



Uonn eisi iu per tut: clima, giusta e pasch

Dil marsch da Pastgas al Lag da Constanza han rodund 1000 personas priu part uonn. Era la sora dominicana dalla claustra da Glion Monika Hüppi da Glion ei ida sil marsch.



Sora Monika Hüppi e Christine Imholz, menadra dalla Procura dallas missiuns dalla claustra da Glion, han priu la caschun a Bregenz da render attents per romontsch al Forum per la cultura da pasch che ha liug dapi 2020 mintga stad ella Casa da sentupada dalla soras dominicanas a Glion.

FOTO MAD

GIUSEP CAPAUL/FMR

Gliendisdis Pastgas ei era sora *Monika Hüppi*, dominicana da Glion, semessa sin via cugl usitau marsch per la pasch al Lag bodan. Ella hagi buca fatg part da quel sco activista per la pasch. Ei seigi buca bien da mo s'occupar cun l'uiara en l'Ucraina.

Grond engaschi per la pasch a Glion

La pasch seigi – tenor sora Monika – insumma in grond desiderat en e da lur claustra a Glion. Leu dat ei dapi 2020 il **Forum per la cultura da pasch**, fundaus sin iniziativa dalla claustra. Dapi igl onn var-

gau exista schizun ina uniuin persuerter. Quei Forum organisescha mintg'onn – sut il tetel «Stad da Glion» – occurrenzas davart il tema «pasch». Dalla suprastanza da quei Forum fa sora Monika Hüppi part, ch'ei era commembra dil Cussegl general dalla claustra. Liug ha quei Forum ella Casa da sentupada dallas soras da Glion. Sco dominicana s'engaschi ella primarmein per annunziar la «buna nova» (evangeli). Sco activista stuessi ella s'engaschar tut autramein per la pasch.

La pasch schai pia fetg a cor allas soras da Glion.



Sco cuminonza claustrala uran ellas dapi che l'uiara ei rutta ora en Ucraina ina ura ad jamna per la pasch en quella tiara, mo era sigl entir mund. En las supplicas vegni quei tema adina actualisau.

Stau in event fetg positiv al Lag bodan

Sin la Via internaziunala da pasch al Lag bodan ei glied ord las tiaras vischinas: Svizra, Austria e Tiaratudestga s'entupada e marschada. Ins ei vegnius stedi en discuors. Las allocuziuns ein stadas trasatras animontas e tschaffontas. Tut en tut eisi stau in di ed eveniment fetg positiv.

Sora Monika Hüppi condemnescha massivamein l'attacca dalla Russia silla Ucraina. Pli fetg denton ch'ins reagheschi cun cunterviolenza sin violenza e pli che l'uiara escaleschi. Sora Monika cape-scha denton fetg bein che l'Ucraina seriscuda e defenda la tiara. Ei seigi fetg trest che l'uiara survegni adina dapli peisa e las vuschs per la pasch vegnien dil meins. Mo getg uss – el temps pascal – astgien ins

buca dar si la speranza per pasch.

Uonn eisi iu per tut! Clima, giusta e pasch

Dil marsch da Pastgas sin la Via internaziunala da pasch al Lag da Constanza han ca. 1000 persunas priu part uonn viers Bregenz. L'attacca da Putin sin l'Ucraina ei stada el center dil marsch cun bandieras e transparents encunter la producziun e furniziuns dad armas. Pli baul mava ei per opposer encunter armas atomaras. Cun talas ha era Putin smanatschau. Uonn han denton era activistas ed activists pil clima priu part. Ditg steva la crisa dil clima el center. Lez motto han ins midau giu quella gada. Uonn eisi iu per tut: clima, giusta e pasch.

Quels marschs da Pastgas al Lag bodan datti dapi ils onns 80, e quei cun seradunar mintgamai en in auter marcau alla riva dil Lag ella regiun. Ils dus onns vargai ein els denton curdai naven pervia da corona.